

Fasnacht 2025

R
u
e
c
h
e

I
n
f
o





d o r f p l a t z r u e c h e - p r a t t e l e . c h

Inhaltsverzeichnis

Vorwort	3
Aktivi Mitglieder	4
Apéro	5
e chline Rückblick	6
Umzüge / Kontaktadresse	9
Klatsch & Tratsch	11
Gönnerbeitrag / QR Code	18/19





d o r f p l a t z r u e c h e - p r a t t e l e . c h

Vorwort

Liebi Gönner und Fründe vo de Dorfplatzrueche

es isch dr 25. Dezember 2024 und ich schrieb das Vorwort. Ja, es isch mittlerwile mini Tradition, dass ich an Wiehnachte mitem Rueche-Info afo.

D`Fasnacht 2025 isch zwar sehr spot, aber was gmacht isch, isch gmacht.

Bi de Aktive hämer das Joor e bitz Veränderige ka. So möcht d`Alena kei Fasnacht me mache, dr Simon isch Aktivmitglied worde (härzlich Willkomme) und euse Megge isch Paktiv worde (er macht überall aktiv mit usser an de Umzüg).

Drfür blibt bi de Umzüg alles glich.

Was das Joor neu wird si, isch euses Wagedach. Da jo dr Wage jetzt durch's Joor dusse stoht, het s'alte Dach s`Joor nit überlebt und isch zämmekracht. Mir händ uns entschiede, dass mir es neus und stabils Dach baue. Allerdings werde mir an dr Fasnacht 2025 numme es 2/3 Dach ha. Wieso und warum? Soviel sig verrote - s`isch sujettechnisch nit anderscht gange.

Jetzt händer e guete Grund zum an Apéro am Fasnachtsunntig nachem Umzug zcho.

Mir wünsche euch wie immer e kurzwilligi Zyt bis zur Fasnacht 2025 und freue uns jetzt scho am 9.März 2025 uf euses neue Dach und unser Sujet mit Euch drufa z'stosse.

Im Name vo de Dorfplatzrueche

Dr Obama Thomi



Thomas 



d o r f p l a t z r u e c h e - p r a t t e l e . c h

Aktivi Mitglieder

1. Wie heisst unser Obmann?

2. Wie heisst unser/e Kassier/erin?

3. Wie heisst unser neustes Aktivmitglied?

4. Wie heisst unser Bauchef/in?

5. Wie heisst unser Fahrer/in?

6. Wagenbauverpflegung wird gewährleistet durch?

7. Unser jüngstes Mitglied heisst?

8. Unser letztes Mitglied heisst

F 2 3 4 5 6 7 8

Erstellt mit XWords - dem kostenlosen Online-Kreuzworträtsel-Generator
<https://www.xwords-generator.de/de>



Apèro am Fasnachtssunntig

Adrian 

Wenn:	Sunntig 9. März 2025
Wo:	Flint's Kleintierpraxis, Hauptstrooss 19
Zyt:	Nachem Umzug (ca. am 4i)
Wer:	Alli Gönner, Fründe und die wo's no wänd wärde vo de Dorfplatzrueche





d o r f p l a t z r u e c h e - p r a t t e l e . c h

e chline Rückblick 1

Sujet: **Fählt's dr obe, chläbsch Di an Bode**

Das Joor, mir säge das zu unserem Schutz
kümmere mir uns ume Umwälschutz
tüent uns mit so Dubeli sympathisiere
bestuune und villicht au lo inspiriere.
Drum darf me uns für euses Sujet lobe:
«Fählt's dr obe, chläbsch Di an Bode»
Berücksichtigt au eusi Sponsore, dass wär e Bitt,
es wäre Cementit, Uhu und au Pritt.
Dank dene chönne mir besser läbe
und eus sicher an Bode chläbe,
Die hebe super, dass isch bekannt,
drum händ au es paar so Bröcke an dr Hand.
Doch es isch halt scho negativ so e Brocke,
aber drfür muess dr Verchehr stocke.
Auto hinter Auto, es s'blibt alles stoh,
d'Autofahrer findes e «No Go».
Dr Eint oder Ander wird au muff,
wird hässig und regt sich uf!
Isch doch egal, wenn i z'spot zum Schaffe chumm,
wiso nimmi au de Charre bi jo dumm.
Wäri schlau, denn fahrti nämli
mitem Bus oder em Trämli,
aber nei ich Dotteli
es gubti jo no s'Velo oder s'Trotteli





d o r f p l a t z r u e c h e - p r a t t e l e . c h

e chline Rückblick 2

Es git in Prattele en «Viel-Trotti-Benutzer»
es isch euse no Gmeindrot Darnuzer.
Gsesch ihn mit sinere orange Weschte ummeplitze
mir händ immer Angscht er chönnt uf eimol anesitze

Apropos Verchehr, do fällt mir no öpis i, nundefahne!
Letschti chläbt öbis am Charre dass ghört dört nit ane.
Denn chunnt's mir in Sinn perse,
i ha ufem Heiwäg e Klimachläber überseh.

Klimachläber Umfahre isch dr Hit,
dass dänkt sich au e Laschtwagechauffeur und macht mit.
S'Ergäbnis isch leider nit so famos
er isch si Uswiss und dr Job los.

In Prattele git's e Stroos do cha dir das nit passiere,
dört muesch mit anechläbe nit pressiere.
Es isch wenig Verchehr, mir finde das e Stuss,
denn sie striche eifach dr Friedhofbus.
Au d' Rhystroos zum Chläbe würd eus gfalle
dört tüent d' Chärre höchstens in d'Betonelement ineknalle

Au dr Minu würd gärn e Klimachläber si.
Er meint: «Hey, het's dört aber süessi Chläberli drby?
Es wär e Bericherig für mis Läbe,
würd sich so Eine uf mis Schössli chläbe.»



d o r f p l a t z r u e c h e - p r a t t e l e . c h

e chline Rückblick 3

So als Klimachläber läbsch riskant,
dass isch jo allgemein bekannt.
Aber kennet ihr die grösschti Gfohr?
Das isch bewiese und au wohr.
Das si Näbewürkige, die si nit gsund,
weder für Mensch, Chatz oder Hund.
Inhaliersch zviel Dämpf i vo dene Chläber,
dass erkennsch guet, bim Daniel Jositsch oder Eric Wäber.
Dr Eintü benimmt sich immer wieder e Mol drnäbe,
dr Ander will sich unbedingt an Bundesrot-Stuhl chläbe.

Mir müesse euch jetzt gestoh, mir händ euch betroge,
dass obe isch alles erstunke und erloge.
Die ganze Klimachläber finde mir en Saich
oder anderscht gsait: «Birrewaich»
Wenn für öpis kämpfsch, gohts immer witer,
egal ob's Wätter schön isch oder schitter.
Au jetzt im Winter wenn's chalt isch duss,
wär's Klimachläbe halt kei Gnuss.
Immer händ's die gliche Leier,
drby si vieli vo dene eifach Weicheier.
Drum glaube mir, wenn dr Umzug wird stocke,
dass es keini Chläber si, wo uf dr Route hocke.
An alli Andere euse Tip, tüent's nit versueche,
dass empfehle Euch die **UNCHLÄBTE Dorfplatzrueche**.





d o r f p l a t z r u e c h e - p r a t t e l e . c h

Umzüge und Kontaktadrässe

Umzüg wo d'Dorfplatzrueche a z'träffe si:

Sunntig 9. März 2025	14:00 Uhr Umzug Prattele
Mäntig 10. März 2025	14:00 Uhr Umzug Fränkedorf
Frytig 14. März 2025	15.00 Uhr Umzug Prattele (Chinderumzug)
Samschtig 15. März 2025	15.00 Uhr Schlusstraich Muttenz

Kontaktadrässe:
Thomas Meier
Muttengerstrasse 35
4133 Pratteln
metorage@gmail.com

Meldet doch beim nächsten Umzug Eure neue Adresse, damit unser "Heftli" Euch wieder findet.

Änderungen an die Kontaktperson melden





d o r f p l a t z r u e c h e - p r a t t e l e . c h





d o r f p l a t z r u e c h e - p r a t t e l e . c h

Klatsch & Tratsch 1

Immer im Summer isch Falternacht
do gits öppis z`Trinke und au Znacht
natürlich gsehsch au es paar Dorfplatzrueche
wo dä Alass gönd go bsueche
zwar hocke nit alli binenand
aber das isch jo au kei Schand
zu "später Stunde" macht sich dr Thomi ufe Weg zum Megge
acho am Tisch, tuet er den schnäll verschrecke
denn sie Natel isch spurlos verschwunde
het das ächt scho öper gfunde?
Öper meint: "Lueg doch schnell am andere Platz"
und siehe da, dört liggt si Schatz.

Im Summer feschte, s`git fast kei Rueh
au s`kantonale Schwingfeschte ghört drzue
S`Tizi tuet schaffe und chunnt ins schwitze
dr Luca gsehsch ufem Schwingplatz umeflitze
dr Thomi und dr Stefan sie an ihrem Schatteplätzli gniesse
und s`Quellfrösch tuet numme so fliesse.

Am Morge bringt eusi Gönnerin Karin, dr leschti Schrei
dene Zwei wüerkli es Bier - alkoholfrei!
Für dr Thomi isch das en Gnuss
dr Stefan findet das e Stuss.

Am Nomittag het Tizi fiirobe gha
und hockt sich uf dr Tribüne grad näbedra
chuum anneghockt, ghört sie zimlig dalli
vo dr Speaker Durchsag: "Dr Luca Stern suecht sis Mami!"
Dr Vorteil an dere Gschicht, mir möchte dä nenne:
Jetzt tüent alli im Luca sis Mami kenne.





d o r f p l a t z r u e c h e - p r a t t e l e . c h

Klatsch & Tratsch 2

Amene Schwingfescht isch es heiss, das weiss jede Knopf
drum kauft sich dr Thomi e Kappe für ufe Kopf
dr ganz Tag isch si a, sie soll jo nütze
und vor dr heisse Sunne schütze
Es paar Wuche spöter frogt ihn si Frau. "Du macht das Sinn
oder wieso hesch du in dr Kappe no dr Karton dinn?"

An eusem Wiehnachtsmärt händ mir jo es Zält
mitem Gedanke mir verdiene Gäld
luege das es im ganze Zält warm isch
egal ob obe oder unterem Tisch
drfür tüent mir en Heizstrahler miete
meistens defekt, also e Niete
au letscht Mol will das Teil nit laufe
drum isch dr Ron schnell eine go chaufe.
Dr Chauf het sich scho am Samschtig bewährt
und kei Gascht het sich über dr Chälti beschwert
Eini tuet sogar vo dem Strahler schwärme
und ihri Füess grad no dra wärme
doch plötzli fangts afo verbrennt stinke
denn ihre schmilzt dr Schueh, zum Glück nit d`Finke
am Sunntig tuets denn nomol passiere
und dr Luca will sini Skihose flambiere,

Mir lerne us unserne Fehler, dass cha uns nit quäle
drum tuet das Joor au dr Kaffeemaschine Värs fehle
doch ganz ohni chönne mir's nit lo si
denn amene Wagebau bring Petra Kaffikapsle verbi
mir freue uns, und das isch jetzt woahr
aber wieso grad für die nächschte fünf Joor?



d o r f p l a t z r u e c h e - p r a t t e l e . c h

Klatsch & Tratsch 3

Mir händ Eine das weiss me genau
de nimmt immer alti Chleider für dr Wagenbau
mit de Winterschuhe isch es s`Gliche
vorem wegschmeissen chamer mit dene no striche
doch das Joor isch dr Tüüfel los
und si Verschleiss isch zimlig gross
zerst tuet er bim Clubhuus renoviere
an sine Wagebauschueh d`Sohle verliere
drum nimmt er denn in aller Rueh
am Samschtig sini Banntagsschueh
drei Tag spöter s'tuet ihm d`Närve raube
passiert s`gliche nomol nit zum glaube
also schnell go Schueh ichaufe
und am Wagebau tuet er mitem 3. Paar ilaufe.

Wie im Vorwort gschribe, händ mir es neus Dach
will säge mir's Mol so, I s'Alte liegt flach
dr Megge het sich eimol meh übertroffe
und sini Hirnzelle si heiss gloffe
s'Ergäbnis isch mega, in dr Summe
will alles het fast zämmegstumme.

Doch öppis verdirbt ihm d`Luune
er schnidet sich emol in Duume
cha drum bautechnisch nit viel überneh
numme an paar Samschtig Kommando geh.

Mittagässe am Wagenbau isch Pflicht
s'git immer es super feins Gricht
ob Hörnli und G'hackts, Schüblig oder Kürbissuppe
sie ässe immer guet die tolli Truppe
Bim Chäs bestreue, tuet's Peti dä nit horte
jetzt hämmer mitem Simon no e Zweite vo dere Sorte.



d o r f p l a t z r u e c h e - p r a t t e l e . c h

Plaketten 24/25





d o r f p l a t z r u e c h e - p r a t t e l e . c h

Klatsch & Tratsch 4

Mir möchte jetzt mit dem Dach nit prahle
händ aber für euch es paar Interessanti Zahle
s'alte Dach het total us 12 Teil bestande
bim neue wär nit emol dr Rahme vorhande
will das besteht, isch das nit geil
us über 160 Einzelteil.

Mir Dorfplatzrueche möchte uns verpflichte
und im Rueche-Info ganz viel dichte
das isch zwar mängmol zimlig stressig
aber wenn's guet chunnt völlig lässig
denn mir wüsse unseri Gönner, egal ob die alte oder neue
tüent sich immer uf das freue
ganz genial und das isch gsund
wenn me am Apéro denn Lob bechunnt.

Läternli-Fescht in Lause
dr Ron, dr Thomi und d'Claudi loose Guggen ohni Pause
17 Stützli händs uns für ei Itritt abgno
drfür hämer es farbigs Bändeli becho
d'Claudi sait und denn wird glacht.
"Ich ha grad es Schnäppli gmacht,
20 geh und 3 bechumm ich use in Franke
choschtet mi dr Itritt also 13, ich säg danke."
Dr Ron meint denn unter lache:
"Also bi mir tuet 20 minus 3 immer no 17 mache."

Fasnachtseröffnig 2024 am Samschtig Zobe
fliegt e Frikadelle im hoche Boge am Bode
Wem das passiert isch, dass muesch nit kommentiere
es isch dä wo die Clique tuet führe.



d o r f p l a t z r u e c h e - p r a t t e l e . c h

Klatsch & Tratsch 5

Die Blaggedde händs in sich, das isch eso
das längt no für e zweite Värs im Rueche-Info
dä gwüssi Herr verstreut die "Fäschtabzeiche" nit nur Dahei
au an dr Fasnacht streut er sie umme wie d'Konfetti uf Verdärb und Gedeih
denn vor und während dr Fasnacht verliert er grad zwei Mol d'Gold-Blaggedde
mir hoffe unseri Rotschläg tuen ihn in däm Joor vor dem Malheur rette.

Au Blaggedde Vernissage das Joor
isch für e gwüsse Herr e Horror
Er bringt die voll Schachtel zwar ganz Hei
doch plötzlich ligge die Dinger am Bode, heieiei!





d o r f p l a t z r u e c h e - p r a t t e l e . c h





d o r f p l a t z r u e c h e - p r a t t e l e . c h

Gönnerbitrag

Dorfplatzrueche Pratteln

IBAN CH45 0076 9439 9820 1200 1

Und wieder landisch uf dr Gönnerbitrag-Site
die git's all Joor, das isch unbestritte
denn es weiss jedes Kind, dr Hund und au s'Schätzeli
Fasnacht mache, choschtet e chli Bätzeli
klar zahle mir Aktive öpis y
und au vom Wiehnachtsmärt chunnt öpis dry
das längt leider nit, dass isch eso
drum si mir um euch Gönner froh
den jede zahlt was er will
kei Franke isch zwenig oder zviel
Vo einere Sach chönne mir euch leider nit schütze
tüent doch bitte dr QR Code benütze
stohsch technisch vorere unbezwingbare Wand
drucksch dr Bitrag eifach imene Aktive in d'Hand
mir möchte uns jetzt scho e Mol bedanke
über jede überwieseni Gönnerfranke.



Stefan Häring

Geschäftsführer
Mobile: +41 79 671 37 70
haering@thommenmaler.ch

thommen maler ag | Ramlinsburgerstrasse 1 | 4415 Lausen
Telefon +41 61 901 20 40 | Fax +41 61 901 20 45
info@thommenmaler.ch | www.thommenmaler.ch

Bitte berücksichtigen Sie unsere Inserenten, denn Sie berücksichtigen auch uns.



d o r f p l a t z r u e c h e - p r a t t e l e . c h

QR-Code Gönnerbeitrag

Dorfplatzrueche Pratteln

IBAN CH45 0076 9439 9820 1200 1





d o r f p l a t z r u e c h e - p r a t t e l e . c h



SolBus AG

Zurlindenstr. 13, 4133 Pratteln
info@solbus.ch www.solbus.ch
+41 61 823 22 44



Gediegene Busreisen mit dem Culinaria Magnifica II

Ungestresstes Reisen in einem Bus, dessen Ausstattung keine Wünsche offen lässt – dies bietet das kleine Reiseunternehmen SolBus AG in Pratteln. Die Angebotspalette reicht dabei von Tagesfahrten in der Schweiz, Kurztrips in angrenzenden Ländern, bis hin zu ausgedehnten Rundreisen etwa nach Norwegen, in den Süden Englands oder Sizilien.

Details finden sich im neuen Katalog oder online.



d o r f p l a t z r u e c h e - p r a t t e l e . c h



Hair & Beauty by Cornelia



Hauptstrasse 42 413 Pratteln Tel: 079/901 92 18 www.hair-cornelia.ch



d o r f p l a t z r u e c h e - p r a t t e l e . c h



BIELSER HOF

Hauptstrasse 51, 4133 Pratteln
061 821 55 04, info@bielser-hof.ch

www.bielser-hof.ch

> Apéro, Raclette, Käsefondue oder Buurebrunch

Für Ihren Anlass mitten im Dorf auf unserem Hof

> Wir liefern Fruchtekörbe an Firmen

Diverse Früchte, je nach Saison

> Hunde und Katzen Futter

Primafu Barf-Futter für Ihren Liebling

> Weihnachtsbaumverkauf

ab dem 10. Dezember in der Hülften

RESTAURANT GEHRENACKER



**Fam. W. Wyss, Oberfeldstrasse 21
4133 PRATTELN Tel. 061/821 52 52**

**Treffpunkt für Jung und Alt
Große Glace Auswahl
schöner Garten & grosser Parkplatz**


Auf ihren Besuch freut sich Fam.W.&J. Wyss
Tel. 061/ 821 52 52

Dienstag Samstag 08.30 - 23.30
Sonntag 9.30-16.00 Uhr, Montag geschlossen

An dere Stell möchte mir uns für die langjährige Gaschtfründschaft bi Euch bedanke,
mir wünsche Euch alles Gueti für d'Zuekunft und schöni Gedanke.



d o r f p l a t z r u e c h e - p r a t t e l e . c h



1. Wie heisst unser Obmann?
2. Wie heisst unser/e Kassier/erin?
3. Wie heisst unser neustes Aktivmitglied?
4. Wie heisst unser Bauchef/in?
5. Wie heisst unser Fahrer/in
6. Wagenbauverpflegung wird gewährleistet durch?
7. Unser jüngstes Mitglied heisst?
8. Unser letztes Mitglied heisst

Erstellt mit XWords - dem kostenlosen Online-Kreuzworträtsel-Generator
<https://www.xwords-generator.de/de>



Bürgergemeinde Giebenach



Oberholzstübli

„Ihr Raum für jeden Anlass...“

in Giebenach

Auskünfte und Reservationen

Christian Venturini
079 889 57 00
ohs@bg-giebenach.ch

Ronald

